
ЎЗБЕКИСТОН ТУМАНИДА ЯНГИДАН ТАШКИЛ ЭТИЛГАН ҚИШЛОҚ ХЎЖАЛИГИ МАҲСУЛОТЛАРИНИ ҚАЙТА ИШЛАШ КОРХОНАСИДА 500 ДАН ЗИЁД ИШ ЎРНИ ЯРАТИЛДИ

Вилоят ҳокими Хайрулло Бозоров вилоят секторлари раҳбарлари, шаҳар ва туманлар ҳокимлари ва секторлари раҳбарлари билан биргаликда Ўзбекистон туманида бўлиб, туманда амалга оширилаётган янги тадбиркорлик лойиҳалари, барпо этилган ижтимоий объектлар, маҳаллаларда аҳоли бандлигини таъминлаш бўйича амалга оширилаётган ишлар, бунёдкорлик ва ободонлаштириш билан танишди.

Дастлаб, қишлоқ хўжалиги маҳсулотларини қуритиш, қайта ишлаш ва қадоқлашга ихтисослашган “Yahyohon Trade 2020” оилавий корхонаси фаолияти кўздан кечирилди.

Кўп йилдан буён тадбиркорлик билан шуғулланиб келаётган Илҳомжон Маматқулов раҳбарлигидаги ушбу корхона ўтган йили янгидан ташкил этилиб, унинг фаолияти янада кенгайди.

5 гектар майдонни эгаллаган янги лойиҳанинг қиймати 4,5 млн АҚШ долларини ташкил этиб, 200 нафар доимий ҳамда 300 нафар мавсумий ишчиларни банд этиш имконияти яратилди. Корхона йилига қиймати қарийб 80 млрд.сўмлик 10 минг тонна қишлоқ хўжалиги маҳсулотларини қайта ишлаш қувватига эга.

Корхонада жорий йилнинг ўтган даври мобайнида 3,7 миллион АҚШ доллари тенг бўлган 10 минг тоннадан зиёд қуритилган мева-сабзавот ҳамда қишлоқ хўжалиги маҳсулотларини МДХ ва Европа давлатларига экспортга йўналтирди.

Вилоят раҳбари бошчилигидаги мутасаддилар янги мажмуанинг имкониятлари, модернизацияланган ускуналар, бу ерда банд бўлган қишлоқ аёлларининг фаолияти ва улар учун яратилган шароитлар билан яқиндан танишдилар.

Мева ва сабзавот етиштиришда республикада етакчи бўлган вилоятимизнинг бошқа шаҳар ва туманларида ҳам бундай лойиҳаларни жойлаштириш учун имконият ва салоҳият етарли эканини, бундан самарали фойдаланиш лозимлигини таъкидлаган Хайрулло Бозоров, мутасаддиларга бу борада Ўзбекистон туманидаги корхона намунасида тизимли иш ташкил этиш бўйича кўрсатмалар берди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-11-13 11:02:34